

բատու, որ է սինոռ Մաճարին. եւ զի գրեալ էր նախ
գիր ի ձեռս Իսմայէլին եւ Քեօսէ Ալիին զի սպանցեն,
եւ ոչ եգիտ դիպող ժամս, վասն որոյ եւ կրկին գրէր
թէ Առաքեսցես զգլուխ նորին եւ թէ ոչ՝ զքոյդ. որ
և նա դուն գործեալ կալեալ զնա ի մէջ մզկթի ի հա-
սարակ տուր աղօթից նորա Զչի, զոր և նա տեսեալ
անգէն զեկեալս ի վերայ իւր, վազեալ ի վեր և խող-
խողեալ զարս Զ սրով, մինչեւ եւ զինքն իսկ եւ իսկ
առեալ ի մէջ սպանին: Բայց Կարմնջին մինչեւ լու-
եալ զայս՝ երեքկին անգամ յղեալ արս վասն մահու
նորա, եւ զօնախ մի մնացեալ լինի երթողացն աս-
տուստ հասանել անգէն, որոց ընդ առաջ լինին զըլ-
խաբերք Սէյտին, եւ բերեալ արկին ի զրուսո ապա-
րանից արքայի մերձ ընդ դիոյն տիւան էֆէնտիսոյ
խասէքոյ: Այն եղեւ Յունիսի ժե յաւուր Շաբաթի և
այս այգուցն Կիրակէի, որ վերոյ ասացաւ: Բերէին
և զգլուխ Թաւուխճի փաշային ընդ աւուրսն որ կայր
(Բերէ):

Եւ լինէր պատրաստութիւն պատերազմի իւրեանց
եւ եղեւ օրտու արհեստաւորաց ժէ Յուլիսի: Եւ թէ
կամիս լսել զկարգ նոցուն, լո՛ւր ի թվականն Ռձ եւ
Զ-ին¹⁾ ի սոյն պատմագրութեան: Եւ և արքայն պայ-
րամի առաջի աւուրն Յուլիսի ի²⁾ Շաբաթի, և զնա-
ցին բանակօք (Բերէ):

Բերէր վէզիրն և զորդին ի Շամայ և հաստատէր
զայմախամ ի քաղաքս և զքեհապէկն եթող աստ ի
տեղւոջ աղայի եւ ապա ելանէին (Բերէ):

Եւ շինէր թուրպէն վէզիրի ստէպ ստէպ, և հան-
դէպ նորա սկսաւ շինել խան, զոր վճռով եդ ի վե-
րայ մէյմարին Գ տարով, զի շինեսցէ սկսեալ յաւուրս

1) Ռձ եւ Ե-ին.

2) Իժ.